



Decisiones Sacramentales, Theologicæ, Canonicæ, & Legales

In Quibus Tota materia Sacramentorum, Theologiæ Moralis, Juris Canonici, & Quæstiones plurimæ Juris Civilis explicantur, dilucidantur, & traduntur, Eruditionibus, Historiis, & Exemplis adornatæ ; Opus Episcopis, Vicariis, Parochis, Confessariis, aliisque Studiosis utile, ac jucundum In Libris novem ...

Erotemata Ecclesiastica

Chiericato, Giovanni Maria

Augustæ Vindelicorum, 1730

Cap. X. De Fidei professione emittenda.

[urn:nbn:de:hbz:466:1-94604](https://nbn-resolving.org/urn:nbn:de:hbz:466:1-94604)

12 Erotem. Eccles. Cap. X. De Fidei Profess. emittenda.

32. *Quer.* An Judæi ad fidem conversi gaudeant nobilitate? *Resp.* Negative. Rot. par. 2. *rec. decis.* 249. Plura qui scire cupit de Judæis, legat novissimum opus doctissimi Abbatis Pascucci compilatoris consultationum D. Pignatelli tom. 1. *verb.* Judæi, ubi plurima scitu digna, ac curiosa; nec non Matth. de Afflictis *Decis.* 151.

CAPUT X.

De Fidei Professione emittenda.

1. *Quer.* Qui, & quot teneantur ad faciendam Fidei Professionem? *Resp.* Decem genera personarum, videlicet Primò, Patriarchæ, Archiepiscopi, & Episcopi. Secundò, Provisi de Canonicatibus, vel dignitatibus in Ecclesiis Cathedralibus. Tertio, Provisi de beneficiis curam animarum habentibus. Quartò, Prælati Regulares provisi de Monasteriis, Conventibus, aut aliis domibus in titulum. Quintò, Promovendi ad gradum Doctoratus. Sextò, Magistri Grammaticæ, Rhetoricæ, & aliarum artium liberalium. Septimò, Concionatores, & Lectores Sacræ Scripturæ, vel Theologiæ. Octavò, Lectores, Medici, aut Jurisconsulti. Nondò, Impressores librorum. Decimò, Omnes alii, à quibus periculum esse possit errorum disseminandorum. Nicolius *Lubreration. Canonicarum lib. 1. tit. 1. num. 11.* Ricciull. *de Jure Personar. lib. 1. cap. 13.* Tambur. *in Decal. d. lib. 2. cap. 1. §. 12.* & Thesaur. *de Penis Eccles. part. 2. verb. Fidei professio*, ubi ponit textum tam juris communis, quam Concilii Tridentini, & Summorum Pontificum Pii IV. Gregorii XIII. & S. Pii V.

2. *Quer.* An obligatio fidei professionis faciendæ sit in usu quoad omnes supradictos? *Resp.* Negative; sed tantummodo quoad Archiepiscopos, & Episcopos, Canonicos, Parochos, & Doctorandos. Thesaur. *ubi supra sub num. 4.* Nicol. *num. 6.* & Tambur. *d. §. 12. num. 6. & 9.*

3. *Quer.* Coram quo sit faciendæ fidei Professio à Lectoribus in studiis publicis? *Resp.* Coram Superioribus ipsius studii, vel omnibus Doctoribus congregatis unà cum Rectore Universitatis. Ricciull. *d. lib. 1. cap. 13. num. 9. & seqq.* ubi subdit, legentes in privatis ædibus, seu Monasteriis scientias, etsi de jure teneantur, tamen ex usu non facere fidei professionem.

4. *Quer.* An Vicarii deputati ad curam animarum in Ecclesiis de mensa teneantur ad fidei professionem? *Resp.* Affirmative, si deputati sint perpetui; non autem amovibiles. Ricciull. *ibid. num. 12. & num. 59. & 60.*

5. *Quer.* An Canonici Cathedralium censeantur obligari ad hanc fidei professionem tam Sæculares, quam Regulares? *Resp.* Tam Sæculares, quam Regulares. Garz. *de Benef. par. 3. cap. 3. num. 16.* Ricciull. *ubi supra d. lib. 1. cap. 13. n. 13.*

6. *Quer.* Coram quo profiteri fidem teneantur tam Parochi, quam Canonici? *Resp.* Quod Parochi tenentur eam profiteri coram Episcopo, vel Vicario generali; Canonici

verò tam coram Episcopo, quam coram Capitulo, sive sint exempti, sive subjecti Episcopo. Sac. Congreg. apud Garziam *ubi supra num. 21. & Ricciull. num. 14.*

7. *Quer.* Quomodo faciendæ sit fidei professio Sede Episcopali vacante per Canonicos Cathedralis? *Resp.* Et coram Capitulo, & coram Vicario capitulari, qui representat Episcopum. Ricciull. *d. lib. 1. cap. 13. num. 15. 16. 17.*

8. *Quer.* Intra quod tempus est faciendæ fidei Professio? *Resp.* Intra bimestre à die adeptæ possessionis, dignitatis, vel beneficii. Concil. Trid. *sess. 24. cap. 12. de ref. & DD. supradicti.*

9. *Quer.* Sub qua pœna sit faciendæ fidei professio? *Resp.* Sub pœna amissionis fructuum. Concil. Trid. *d. sess. 24. cap. 12.* Thesaur. *de Penis d. part. 2. verb. Fidei professionem num. 3.*

10. *Quer.* An omisso professionis fidei in supradictis personis ad eam obligatis sit etiam peccatum mortale? *Resp.* Esse hinc inde opinionem; sed negativam videri probabilem, ex regula ordinaria, quod lex pœnalis, ut est ista, non obligat ad culpam, sed tantummodo ad pœnam. Tambur. *in Decal. d. lib. 2. cap. 1. §. 12. num. 4.* & de expedita Confessione *lib. 3. cap. 1. §. 8.* Ricciull. *d. lib. 1. cap. 16. num. 2.*

11. *Quer.* An Parochus, qui transit ad aliam Parochiam, vel Canonicus alium obtinens Canonicatum, teneatur iteratò fidem profiteri, si antea professionem illius fecerat? *Resp.* Affirmative. Garz. *d. part. 3. cap. 3. num. 17.* & Ricciull. *d. lib. 1. cap. 13. num. 19. & 20.* ubi confutat contrarium sentientes. Idem docet Barbosa. *alleg. 61. num. 9.* Et novissimè Pignatellus *tom. 9. consulti. 114. num. 45.*

12. *Quer.* An hæc fidei professio faciendæ sit personaliter, vel sufficiat per Procuratorem? *Resp.* Esse discordes in opinione Doctores; sed magis communiter sentiunt, quod possit fieri per Procuratorem. Ricciull. *d. cap. 13. num. 21. & 22.* Pignatell. *d. num. 45.* & Nicol. *d. lib. 1. cap. 1. num. 2.* ubi tamen notat, in praxi consultius esse, facultatem petere à Sac. Congregatione, quæ eam libenter impertitur absentibus.

13. *Quer.* An necessarium sit mandatum speciale in Procuratore facturo fidei Professionem? *Resp.* Affirmative, quia non potest jurari in animam alterius sine speciali mandato. Est tamen verum, quod sufficit mandatum factum ad capiendam possessionem beneficii, & sic explicita hæc qualitas fidei professionis faciendæ non est necessaria, quia implicite censetur existere. Ricciull. *d. cap. 13. num. 33. & 34.*

14. *Quer.* An professio fidei non facta à beneficiatis intra duos menses, sit amplius per eos faciendæ? *Resp.* Affirmative, quia terminus duorum mensium non est præfixus ad finiendam obligationem, sed ad differendam pœnam. Navar. *conf. 4. tit. de Summi. Trinit. & Fide Cath. & facit tex. in cap. Cum dilecti. §. Præterea. De dolo, & contum.* Et debet fieri absolute, non ad recuperandos fructus amissos,

amissos, sed tantum ad quærendos futuros, Paris. de Resignat. lib. 10. q. 9. num. 12.

15. *Quar.* An beneficiatus possit cogi ab Episcopo ad docendum, & probandum, fecisse fidei professionem? *Resp.* Affirmative, quando procedit ex officio, juxta tex. in cap. Ordinarii, ubi DD. de Off. Ord. in 6. Paris. de Resignat. lib. 2. qu. 14. num. 33. & Garz. de Benef. d. part. 3. cap. 3. num. 48. Ideoque secus esset, si Episcopus procederet ad instantiam partis. Ricciul. d. cap. 13. num. 42.

16. *Quar.* An fructuum omisio ob non factam fidei professionem incurratur ipso jure, vel opus sit sententia, & declaratione? *Resp.* Pro utraque opinione stare Doctores, quos refert Tambur. d. lib. 2. in Decal. cap. 1. §. 12. ubi ait probabile, quod requiratur sententia; sed contrarium tenet Garz. d. cap. 3. num. 35. Porro Ricciul. d. cap. 13. num. 49. & Nicol. d. lib. 1. cap. 1. num. 2. in fine, monent, tutius esse, recurrere ad Sac. Congregationem Concilii, vel ad Sacram Pœnitentiarum, quæ benigne solet condonare fructus malè perceptos, potissimum, quando abique culpa, & ex sola ignorantia fidei professio omissa fuit; cum hoc tamen, ut statim eam faciant.

17. *Quar.* An tempore duorum mensium incipiat a reali possessione capta beneficii, etiam si malitiose fuerit dilata possessio? *Resp.* Affirmative: quia ad istum effectum Concilium non intendit obligare, nisi postquam fuerit sequuta realis possessio. Garz. d. part. 3. cap. 3. num. 32.

18. *Quar.* An omittens facere fidei professionem amittat non solum fructus Præbendæ, sed etiam quotidianas distributiones? *Resp.* Amittere tantum fructus Præbendæ, nisi Canonicus alios fructus non haberet, quam distributiones quotidianas; tunc enim ne poena imposita per Concilium fiat elusoria, eas non lucraretur. Gonzal. ad Reg. 8. §. 7. Pro oemiali num. 157. Ricciul. ubi supra num. 55. Pignatellus tom. 6. consult. 77. nec non d. tom. 9. consult. 114. num. 47.

19. *Quar.* An obligatio fidei profitendæ afficiat Canonicos Ecclesiæ Collegiatæ? *Resp.* Negative, prout neque Mansionarios, Portionarios, aut Capellanos Ecclesiæ Cathedralis. Ricciul. d. cap. 13. num. 56. & 57. nisi sint Curati titulati, ac perpetui.

20. *Quar.* An Provisus de beneficio Curato habitu, sed non actu, teneatur emitte Professionem fidei? *Resp.* Cum distinctione. Vel est Curatum habitu, eo quia exercitium demandari solet Vicario: & adhuc Rector tenetur facere Professionem. Vel est Curatum habitu, quia Parochiani recesserunt: & non tenetur, quia in hoc casu beneficium dicitur simplex, & potest obtineri à Clerico 14. annorum, non causat incompatibilitatem, non obligat ad residentiam, neque ad Sacerdotium. Ricciul. d. lib. 1. cap. 14. num. 2.

21. *Quar.* An Regula de triennali suffragetur eos, qui non fecerunt fidei Professionem? *Resp.* Eos suffragari quoad titulum, & possessionem; secus autem quoad fructus. Ricciul. d. lib. 1. cap. 16. num. 12. Pignatell. d. tom. 9. consult. 114. num. 47.

22. *Quar.* An sint alii casus, in quibus facienda sit fidei Professio à beneficiatis? *Resp.* Eam esse faciendam in Concilio Provinciali, & Synodo Diocesana. Concil. Trident. sess. 25. cap. 2. de ref. quod est intelligendum de prima vice. Massobr. de Synod. Dioces. cap. 4. dub. 30. num. 12.

23. *Quar.* Sub qua forma sit facienda ipsa fidei Professio? *Resp.* Sub forma præscripta à Pio IV. in ejus Bulla de anno 1564. Idib. Nov. Quæ incipit *Injunctum*; Et quam ponit Quarant. in Summ. Bullar. verb. *Fidei professio*; Et est impressa in fine Concilii Tridentini.

24. *Quar.* An Græci debeant facere fidei professionem sub eadem forma? *Resp.* Negative, quia pro Græcis statuta est alia forma à Gregor. XIII. quam subnectit ibid. Quaranta. Et eam in melius reformatam esse ab Urbano VIII. testatur Nicol. d. lib. 1. tit. 1. Lucubr. Canon. num. 2.

25. *Quar.* Si quis omiserit facere fidei professionem, & non impetraverit condonationem fructuum, quibus sint illi restituendi? *Resp.* Esse restituendos pauperibus, vel fabricæ Ecclesiæ; nisi iidem solvantur à mensa capitulari; nam tunc poterunt retineri, quia spectant ad alios Canonicos per jus non decrescendi. Theaur. de Pœnis d. part. 2. verb. *Fidei professionem* num. 3. in fin. Sed contrarium esse decisum à S. Congr. ait Pignatellus d. tom. 9. consult. 114. num. 47. omnino videndus.

26. *Quar.* An Concionatores teneantur præcisè ad faciendam fidei professionem? *Resp.* Non teneri: nisi Episcopo exigente. Ita declarasse S. Congr. testatur Nicolius Lucubr. Canon. d. lib. 1. tit. 1. sub num. 11. vers. 6.

CAPUT XI.

De Spe.

1. *Quar.* Quid sit spes? *Resp.* Spes virtus Theologica est expectatio certa beatitudinis ex Dei gratia, & nostris meritis, ipsi gratiæ cooperantibus. S. Thom. 2. 2. q. 14. art. 2.

2. *Quar.* Quot sint peccata contra Spem? *Resp.* Esse duo: *Presumptionem*, & *Desperationem*. *Præsumptio* est, cum quis confidit consequi gratiam, & gloriam, vel ex se ipso tantum, vel ex sola misericordia Dei sine sui ipsius cooperatione. *Desperatio* est, cum quis tenet, Deum vel nolle, vel non posse ei gratiam, & gloriam concedere. Et utrumque peccatum, si sit cum errore intellectus, & pertinacia, unitum est hæresi, debetque in Confessione explicari. Tambur. d. lib. 2. in Decal. cap. 2. §. 1. & Abelly in Medulla Theolog. part. 2. tract. 2. cap. 4. sect. 1. §. 2.

3. *Quar.* An sit peccatum, ponere spem in homine? Si ponatur principaliter, utique peccatum esse; secus verò si secundario, & solum tanquam in Instrumento gratiæ celestis. Abelly ubi supra & Tambur. §. 2. num. 4.

4. *Quar.* Quando obliget Præceptum Spei? *Resp.* Quatenus consideratur, ut Præceptum